

禹州志卷八

古蹟志

宋以前爲地志者故城舊蹟有則必詳最稱美備至明代諸賢所撰邑乘迺弗盡載其意以爲簡要實過古人然非篤論矣今於春秋所書列史所載按其道里著之於篇至若名賢彙粹高士釣遊雖無關於地理之要而高山景行訪古者有餘思焉表其遺跡亦所以諷勸來者也述古蹟志

上棘城

春秋襄公十八年左氏傳楚師伐鄭右師城上棘杜預注將涉潁故於水邊權築小城以爲進退之計水經注潁水又逕

禹州志

卷之八 古蹟志

一

上棘城西又屈逕其城南續漢書郡國志陽翟有上棘城一統志云在州西北而舊志云今城內北門女牆下土阜名棘山或以此名又以爲卽古棘國則殊無所據也

棘澤

左傳襄公二十四年楚子伐鄭次於棘澤杜預無注水經注龍淵水出長社縣又東南逕棘城北卽傳之棘澤也又東左注洧案長社爲今長葛縣而洧水不逕禹州境則棘澤當在長葛縣舊志引路史曰陽翟有棘澤然檢路史國名紀僅言鄭有棘澤實未明言陽翟則長葛亦鄭地也今姑仍其舊收之而附辨於此

康城

一統志云在川西北水經注潁水東歷康城南夏少康故邑

也魏明帝封尚書衛臻為康城侯邑於此後魏孝昌中曾於

此置康城縣

案一統志引水經注有夏少康故邑也六字乃兼引太平寰宇記所載洛陽記之文也水經注

無此六字

雍氏城

春秋襄公十八年左氏傳楚伐鄭雍梁續漢郡國志陽翟有

雍氏城蓋即雍梁也史記田敬仲完世家齊湣王十二年楚

圍雍氏一統志云雍氏城在州東北又名雍梁

陽關聚

禹州志

卷之八 古蹟志

二

後漢書光武紀王莽遣長人巨無霸驅諸猛獸以助威光武

將數千兵要之於陽關李賢注陽關聚名也在今洛州陽翟

縣西北水經注潁水流逕陽關聚聚夾水相對俗謂之東西

二土城一統志曰在州西北

舊志無今據補

黃臺廢縣

案東魏興和元年分陽翟置黃臺縣屬陽翟郡隋書大業初

廢入潁川縣唐武德四年復置屬許州貞觀元年廢見魏隋

新唐三書志太平寰宇記黃臺廢縣在陽翟縣東北四十里

則自唐以後更從潁川縣析入陽翟矣隋之潁川今之長葛

也

舊志無今據補

小韓城

顧祖禹方輿紀要云韓哀侯所築案晉書李矩屯新鄭劉聰遣從弟暢屯於韓王故壘相去七里今以道里度之疑卽小韓城也舊志云在城西北韓城里新鄭固在州北境也

陽翟舊城

舊志云在城北八里舊有斷碑方輿紀要則以爲卽今州治其在城北者或古陽翟故城也

龔城

舊志云州東北二十五里古以陶瓦之破損者壘砌如城

司馬古城

禹州志

卷之八 古蹟志

三

舊志云在司馬里與龔城東西相望魏武帝都許令司馬懿屯兵於此所築今檢三國魏志無此文舊志又以爲晉書齊王冏討趙王倫屯師陽翟夾潁而軍蓋卽其地此亦懸擬之詞未可遽定也

琅城

舊志云州東三十五里遺址猶存始築無考

高氏亭

春秋成公十七年左氏傳衛北宮括救晉侵鄭次於高氏杜預注在陽翟縣西南續漢郡國志陽翟有高氏亭

磐脂故亭

晉書李矩傳矩表郭誦為揚武將軍陽翟令誦追苻生於磐
脂故亭大破之舊志無今據補

穎亭

一統志云在州西唐大中四年陽翟令陳寶建宋范鎮重脩
有穎水溪玉亭記舊志云元大理寺丞田云知縣事重脩明
嘉靖十二年於含春門外穎水上毀觀堂重建天啟三年巡
按邱兆麟題為穎濱新社集禹密十六學堂
曰應鳳遺址猶存

鈞臺

春秋昭公四年左氏傳楚椒舉曰夏啟有鈞臺之享杜預注

禹州志

卷之八 古蹟志

四

河南陽翟縣有鈞臺陂史記夏本紀桀召湯而囚之夏臺索隱云夏日鈞臺皇甫謐云地在陽翟是也水經注謂之啟筮亭元和郡縣志云在陽翟縣南十五里今在北門外蓋李吉甫因唐時故城而言也

鈞臺陂

見杜預左傳注又太平寰宇記第七卷引王隱晉書地道記云鈞臺下有陂俗名鈞臺陂水經注曰嵎水東南流積為陂

陂方十里

舊志無今據補

黃臺

舊志曰在州東北黃臺里上有黃霸祠今按

因霸而得名東

幽爽可以眺遠

軒轅黃帝避暑洞

舊志云在具茨山下雍正十年奉 敕重脩

留侯洞

舊志云州東二里潁水之涯鑿岸爲洞舊洞在州西南老子堂右明州守徐明善改建於此 國朝州守史廷桂劉國儒重脩雍正乙卯大水洞沒州守章琦重脩

黃石公洞

舊志云在留侯洞旁州守胡承祖創建劉國儒落成紫穀城山下黃石當在今山東東阿縣東北五里或後人因留侯世

禹州志

卷之八 古蹟志

六

家有取而葆祠之之說故存其名於此耳

瞿仙洞

舊志云在留侯洞之南金道士嘗且棲息之所

垂光洞

舊志云在郡北郭馬端肅公祠後左臨潁水都御史黨以平題額

巢父洞

舊志云在犢水溝卽巢父飲牛處州生員周德滋因其舊而闢之

羅漢洞

舊志云在州北五十里萬山之中極爲幽雅

雲根洞

舊志云在北門內李侍郎宅

燕王洞

舊志云在三峯山中相傳燕王曾伏兵於此

仙茅洞

舊志云在西南山俗呼爲老猫洞

水鏡洞

舊志云在州東潁川里背陰寺側以漢潁川司馬徽得名今土人呼之爲水晶洞

禹州志

卷之八 古蹟志

七

亦暢軒

舊志云在訾巖之上兵備沈公荃駐節時脩禊其地因建軒而題之

應鳳樓

舊志云在含春門外潁亭之側明天啟元年有鳳集於北山
巡按邱兆麟建樓於此

博文樓

舊志云在州治西南明徽藩德平王建 敕賜題額其樓廣
數畝上下百餘間常集文人於上

蔡文忠公讀書樓

舊志云在蔡家寺乃宋蔡文忠公齊所寓宅後廢爲寺有古鐘丞相蔡確所鑄州守移至東門內今尙在

兼益堂

舊志云州守劉國儒建在留侯洞側

張子房故里

舊志云在城南張得里

呂丞相不韋故里

舊志云在城南大呂鎮

晁大夫錯故里

舊志云在城南晁喜里

禹州志

卷之八 古蹟志

八

司馬徽故里

舊志云在今潁川里洞林寺側

褚太傅裒故里

舊志云晉元穆公褚季野所居在今州東元穆村

石牛莊

一統志云在州西南十五里桃園之西宋崔鵬讀書處

官司園

舊志云在城西南三峯山下明太師馬端肅公致仕明農處

鳳凰池

舊志云在州治東南隅

醴泉井

在州治南久湮今存其名於丹山書院鳳凰臺之西

韓侯飲馬池

舊志云在潁川里虎頭岡東北其西有駱駝灣

麒麟坡

舊志云北史言在城北今無考

禁溝

舊志云在西關外里許泉味如醴相傳在韓侯禁城中故名

徽王故宮

舊志云在城中徽近東偏徽王事見封系表

禹州志

卷之八 古蹟志

九

三義橋

舊志云相傳北魏時三節婦所建今西義橋在褚河舖有徐

永記中義橋在楊家河有連吉記東義橋在涎水河有皇甫

恩記

潁谷

舊志據通志以爲在州西潁水之陽卽鄭潁考叔爲潁谷封

人地今按春秋時潁谷諸家迄無定論志稱洧川縣西南十

里有牛脾山卽莊公闕隧見母處續漢郡國志引張齊民北

征記云苑陵東南有大隧澗鄭莊公所闕則當在今新鄭或

言許州東有潁谷城北二十里有潁考叔墓或言潁水出登

醴泉井

在州治南久湮今存其名於丹山書院鳳凰臺之西

韓侯餼馬池

舊志云在潁川里虎頭岡東北其西有駱駝灣

麒麟坡

舊志云北史言在城北今無考

禁溝

舊志云在西關外里許泉味如醴相傳在韓侯禁城中故名

徽王故宮

舊志云在城中徽近東偏徽王事見封系表

禹州志

卷之八 古蹟志

九

三義橋

舊志云相傳北魏時三節婦所建今西義橋在褚河鋪有徐

永記中義橋在楊家河有連吉記東義橋在涎水河有皇甫

恩記

潁谷

舊志據通志以爲在州西潁水之陽卽鄭潁考叔爲潁谷封

人地今按春秋時潁谷諸家迄無定論志稱洧川縣西南十

里有牛脾山卽莊公闕隧見母處續漢郡國志引張齊民北

征記云苑陵東南有大隧澗鄭莊公所闕則當在今新鄭或

言許州東有潁谷城北二十里有潁考叔墓或言潁水出登